

Տարանցման հայտարարագրի ներկայացման ու գրանցման եւ «մաքսային տարանցում» մաքսային ընթացակարգի իրականացման հետ կապված՝ մաքսային մարմինների կողմից մաքսային գործառնությունների իրականացման կարգի մասին

Մաքսային միության հանձնաժողովը **որոշեց.**

Հաստատել մաքսային մարմինների կողմից տարանցման հայտարարագրի ներկայացման ու գրանցման եւ «մաքսային տարանցում» մաքսային ընթացակարգի իրականացման հետ կապված մաքսային գործառնությունների իրականացման կարգը (կից ներկայացվում է):

Մաքսային միության հանձնաժողովի անդամները՝

**Բելառուսի
Հանրապետությունից**

**Ղազախստանի
Հանրապետությունից**

**Ռուսաստանի
Դաշնությունից**

Ա. Կոբյակով

Ու. Շուկեւ

Ի. Շուվալով

ՀԱՍՏԱՏՎԱԾ Է

Մաքսային միության հանձնաժողովի

2010 թվականի օգոստոսի 17-ի թիվ

438 որոշմամբ

Տարանցման հայտարարագրի ներկայացման, գրանցման եւ «մաքսային տարանցում» մաքսային ընթացակարգի իրականացման հետ կապված՝ մաքսային մարմինների կողմից մաքսային գործառնությունների իրականացման կարգը

I. Ընդհանուր դրույթներ

1. Տարանցման հայտարարագրի ներկայացման, գրանցման եւ «մաքսային տարանցում» մաքսային ընթացակարգի իրականացման հետ կապված՝ մաքսային մարմինների կողմից մաքսային գործառնությունների իրականացման սույն Կարգը մշակվել է Մաքսային միության մաքսային օրենսգրքի 27-րդ եւ 32-րդ գլուխներին համապատասխան:

II. Մաքսային հայտարարագրի ներկայացման ու գրանցման հետ կապված՝ մաքսային մարմինների կողմից մաքսային գործառնությունների իրականացման կարգը

2. Տարանցման հայտարարագիրը ներկայացվում է այն ապրանքների փոխադրման համար, որոնք տրանսպորտային (փոխադրման) մեկ փաստաթղթով տեղափոխվում են մեկ ուղարկողի կողմից մեկ ստացողի հասցեով՝ բացառությամբ այն դեպքերի, երբ որպես տարանցման հայտարարագիր օգտագործվում են Մաքսային միության անդամ պետությունների միջազգային պայմանագրերով նախատեսված փաստաթղթերը:

Ուղարկող մաքսային մարմինը՝ որպես տարանցման հայտարարագիր,

ընդունում է Մաքսային միության մաքսային օրենսգրքի 182-րդ հոդվածի 3-րդ կետում նշված տեղեկությունները պարունակող հետեւյալ փաստաթղթերը՝

- տարանցման հայտարարագրի լրացված թերթիկները.

- «ՄՃՓ գրքույկի կիրառմամբ բեռների միջազգային փոխադրման մասին» 1975 թվականի մաքսային կոնվենցիայի (այսուհետ՝ ՄՃՓ կոնվենցիա) դրույթներին համապատասխան լրացված ՄՃՓ գրքույկը եւ դրան կից ներկայացվող տրանսպորտային (փոխադրման) եւ առետրային փաստաթղթերը.

- «Ժամանակավոր ներմուծման համար ժամանակավոր ընդունման թույլտվության մասին» 1961 թվականի մաքսային կոնվենցիային եւ «Ժամանակավոր ներմուծման մասին» 1990 թվականի կոնվենցիային (այսուհետ՝ ժամանակավոր ներմուծման մասին կոնվենցիաները) համապատասխան լրացված ժամանակավոր ընդունման թույլտվությունը (ATA Carnet) եւ դրան կից ներկայացվող տրանսպորտային (փոխադրման) եւ առետրային փաստաթղթերը (Մաքսային միության անդամ պետության տարածքում փոխադրման ժամանակ, եթե դա նախատեսված է այդ պետության օրենսդրությամբ).

- տրանսպորտային (փոխադրման), առետրային եւ (կամ) այլ փաստաթղթեր:

Տրանսպորտային (փոխադրման) եւ առետրային փաստաթղթերը՝ որպես տարանցման հայտարարագիր օգտագործելու դեպքում, տարանցման հայտարարագրի հիմքը համարվում է տրանսպորտային (փոխադրման) փաստաթուղթը, իսկ մյուս փաստաթղթերը դրա անբաժանելի մասն են կազմում:

3. Տարանցման հայտարարագիրը պետք է ուղարկող մաքսային մարմին ներկայացվի հետեւյալ փաստաթղթերի հետ՝

- ապրանքների հայտարարագրման ժամանակ մաքսային հայտարարագիր ներկայացնող անձի լիազորությունները հավաստող փաստաթղթերը՝

բեռնառաքիչի պարագայում՝ տրանսպորտային առաքման պայմանագրի կնքումը հավաստող փաստաթղթերը,

Մաքսային միության մաքսային օրենսգրքի 186-րդ հոդվածի 1-ին կետում

նշված անձանց պարագայում՝ արտաքին տնտեսական գործարքների կնքումը կամ ապրանքների տիրապետման, օգտագործման եւ (կամ) տնօրինման իրավունքը հավաստող փաստաթղթերը.

փոխադրողների պարագայում՝ տրանսպորտային (փոխադրման) փաստաթղթերը.

- տրանսպորտային (փոխադրման) փաստաթղթերը.

- առեւտրային փաստաթղթերը.

- մաքսային սահմանով ապրանքների տեղափոխման հետ կապված արգելքների եւ սահմանափակումների պահպանումը հավաստող փաստաթղթերը, եթե այդպիսի տեղափոխումը թույլատրվում է նման փաստաթղթերի առկայության դեպքում.

- ապրանքների ծագման երկիրը հավաստող փաստաթղթերն այն դեպքերում, երբ ուղարկող մաքսային մարմնի կողմից բացահայտվում են այնպիսի հանգամանքներ, որ ապրանքների ծագման երկիրն այն երկիրն է, որտեղից ծագող ապրանքների ներմուծումը Մաքսային միության մաքսային տարածք կամ տարանցիկ փոխադրումն այդ տարածքով արգելվում է՝ Մաքսային միության անդամ պետությունների միջազգային պայմանագրերին համապատասխան.

- մաքսատուրքերի եւ հարկերի վճարումը հավաստող փաստաթղթերը, որոնք նախատեսված են Մաքսային միության մաքսային օրենսգրքով սահմանված դեպքերում.

- մաքսային կապարակնիքների ու կնիքների կիրառմամբ ապրանքների փոխադրման դեպքում միջազգային փոխադրում իրականացնող տրանսպորտային միջոցը թույլատրելու մասին հավաստագիրը՝ բացառությամբ այն դեպքերի, երբ մաքսային կապարակնիքների ու կնիքների կիրառմամբ փոխադրման համար կիրառվում է մեկանգամյա թույլտվություն.

- ապրանքների նույնականացման հնարավորությունն ապահովող փաստաթղթերն (ապրանքի նկարագրություն, գծագրեր, մասշտաբային

պատկերներ, լուսանկարներ, պատկերազարդումներ, ապրանքաուղեկից փաստաթղթեր եւ այլն) այն դեպքում, երբ որպես նույնականացման միջոց չեն կարող օգտագործվել կապարակնիքներ, կնիքներ եւ նույնականացման նշաններ կամ դրոշմավորման այլ տարատեսակներ.

- միջազգային փոխադրում իրականացնող տրանսպորտային միջոցի գրանցման եւ ծագման վերաբերյալ փաստաթուղթը (ապրանքներն ավտոմոբիլային տրանսպորտային միջոցով փոխադրելու դեպքում).

- այն փաստաթղթերի ցանկի երկու օրինակը, որոնցից բաղկացած է տարանցման հայտարարագիրը (տրանսպորտային (փոխադրման) եւ առետրային փաստաթղթերը որպես տարանցման հայտարարագիր օգտագործելու դեպքում) (Հավելված 1):

Երկաթուղային տրանսպորտով ապրանքների տեղափոխման դեպքում, եթե որպես հայտարարատու հանդես է գալիս փոխադրողը եւ տրանսպորտային (փոխադրման) փաստաթղթում նշված են կից ներկայացվող առետրային փաստաթղթերն ու դրանց թիվը, չի պահանջվում ներկայացնել այն փաստաթղթերի ցանկը, որոնցից բաղկացած է տարանցման հայտարարագիրը:

Ապրանքների հայտարարագրման դեպքում՝

մաքսային փոխադրողը լրացուցիչ ներկայացնում է մաքսային փոխադրողների ռեեստրում իրավաբանական անձին ընդգրկելու մասին վկայող փաստաթղթի հաստատված պատճենը.

լիազորված տնտեսական օպերատորը լրացուցիչ ներկայացնում է լիազորված տնտեսական օպերատորների ռեեստրում իրավաբանական անձին ընդգրկելու մասին վկայող հավաստագրի հաստատված պատճենը.

Տարանցման հայտարարագիրը մաքսային ներկայացուցչի կողմից ուղարկող մաքսային մարմին ներկայացվելու դեպքում, մաքսային ներկայացուցիչների ռեեստրում լրացուցիչ ներկայացվում է իրավաբանական անձին ընդգրկելու մասին վկայող համարը, ինչպես նաեւ՝ հայտարարատուի հետ մաքսային ներկայացուցչի կնքած պայմանագրի հաստատված պատճենը:

Որպես առեւտրային փաստաթղթեր կարող են ներկայացվել հաշիվ-ապրանքագրեր, մասնագրեր, բեռնառաքման եւ փաթեթավորման թերթիկներ եւ այլ փաստաթղթեր, որոնք օգտագործվում են արտաքին առեւտրային եւ (կամ) այլ գործունեության իրականացման ժամանակ, ինչպես նաեւ Մաքսային միության մաքսային սահմանով ապրանքների տեղափոխման հետ կապված գործարքների կատարումը հավաստելու նպատակով:

Որպես տրանսպորտային (փոխադրման) փաստաթղթեր կարող են ներկայացվել միջազգային կամ ներքին ապրանքատրանսպորտային բեռնագրեր, կոնոսամենտներ կամ ծովով (գետով) փոխադրման մասին պայմանագրի առկայությունը եւ բովանդակությունը հավաստող այլ փաստաթղթեր, օդային բեռնագրեր, երկաթուղային բեռնագրեր, Համաշխարհային փոստային միության ակտերով նախատեսված փաստաթղթեր, բեռնառաքման փաստաթղթեր, ինչպես նաեւ տրանսպորտի ոլորտում ընդունված միջազգային համաձայնագրերով, տրանսպորտային կանոնագրքերով եւ օրենսգրքերով, այլ օրենքներով եւ դրանց համապատասխան ընդունվող իրավական ակտերով նախատեսված այլ ստանդարտ փաստաթղթեր:

Մաքսային միության մաքսային օրենսգրքի 182-րդ հոդվածի 3-րդ կետով նախատեսված տեղեկությունները պարունակող տրանսպորտային (փոխադրման), առեւտրային եւ (կամ) այլ փաստաթղթերը որպես տարանցման հայտարարագիր օգտագործելու դեպքում, ուղարկող մաքսային մարմին է ներկայացվում նշված փաստաթղթերի երկու փաթեթ:

ՄՃՓ գրքույկի օգտագործմամբ ապրանքների փոխադրման դեպքում, ուղարկող մաքսային մարմին են ներկայացվում ՄՃՓ կոնվենցիայի դրույթներին համապատասխան ձեւակերպված ՄՃՓ գրքույկը եւ տրանսպորտային (փոխադրման) փաստաթղթերի, առեւտրային փաստաթղթերի եւ տարանցման հայտարարագրի մաս կազմող այլ փաստաթղթերի երկու փաթեթ:

Ժամանակավոր ընդունման թույլտվության օգտագործմամբ ապրանքների փոխադրման դեպքում, ուղարկող մաքսային մարմին է ներկայացվում ժամանակավոր ներմուծման մասին կոնվենցիաներին համապատասխան

ծեակերպված ժամանակավոր ընդունման թույլտվությունը եւ տրանսպորտային (փոխադրման) փաստաթղթերի, առետրային փաստաթղթերի եւ տարանցման հայտարարագրի մաս կազմող այլ փաստաթղթերի երկու փաթեթ:

Հայտարարատուն տարանցման հայտարարագրի հետ միաժամանակ ուղարկող մաքսային մարմին է ներկայացնում դրա էլեկտրոնային պատճենը, եթե Մաքսային միության օրենսդրությամբ եւ (կամ) Մաքսային միության անդամ պետությունների օրենսդրությամբ այլ բան նախատեսված չէ:

4. Տարանցման հայտարարագիրը ներկայացնելու ամսաթիվը եւ ժամը մաքսային մարմնի կողմից նշվում են համապատասխան գրանցամատյանում, որի ձեւը սահմանվում է Մաքսային միության անդամ պետությունների օրենսդրությամբ, ինչպես նաեւ ուղարկող մաքսային մարմնի տեղեկատվական համակարգում՝ տեղեկատվական տեխնոլոգիաների օգտագործմամբ:

5. Տարանցման հայտարարագրի գրանցումը առանձին մաքսային գործառնություն է, որն իրականացվում է ուղարկող մաքսային մարմնի լիազորված պաշտոնատար անձանց կողմից:

6. Մաքսային մարմինը գրանցում է տարանցման հայտարարագիրն այն ներկայացնելուց պահից ոչ ուշ, քան երկու ժամվա ընթացքում:

7. Տարանցման հայտարարագրի գրանցումը կատարվում է ուղարկող մաքսային մարմնի լիազորված պաշտոնատար անձի կողմից դրան գրանցման համար տրամադրելու միջոցով՝ տարանցման հայտարարագրի լրացման կարգին համապատասխան:

ՄՃՓ գրքույկի օգտագործմամբ ապրանքների տեղափոխման դեպքում, տարանցման հայտարարագրի գրանցումը կատարվում է ուղարկող մաքսային մարմնի լիազորված պաշտոնատար անձի կողմից՝ ՄՃՓ գրքույկի թիվ 1 եւ թիվ 2 պոկվող թերթիկների 21-րդ սյունակի աջ ենթաբաժնում նշելով դրա հերթական համարն ըստ այն գրանցամատյանի, որի ձեւը սահմանվում է Մաքսային միության անդամ պետությունների օրենսդրությամբ:

Մաքսային միության անդամ պետությունների օրենսդրությամբ նախատեսված

դեպքերում տարանցման հայտարարագրի գրանցման համարը կարող է լրացուցիչ նշվել տարանցման հայտարարագրում նրբաթելային (շտրիխ կոդ) հաշվառանիշի միջոցով:

Տարանցման հայտարարագրի գրանցման համարը հաստատվում է ուղարկող մաքսային մարմնի պաշտոնատար անձի ստորագրությամբ եւ համարակալված անհատական կնիքի դրոշմվածքով:

Յուրաքանչյուր հաջորդ տարվա հունվարի 1-ից տարանցման հայտարարագրի համարակալումն սկսվում է մեկից:

Ուղարկող մաքսային մարմնի պաշտոնատար անձը տարանցման հայտարարագրի գրանցման համարը նշում է՝

- սույն Կարգի 4-րդ կետում նշված գրանցամատյանում.
- տարանցման հայտարարագրում՝ տարանցման հայտարարագրի լրացման կարգին համապատասխան.
- տրանսպորտային (փոխադրման) փաստաթղթերի երկու օրինակում.
- տարանցման հայտարարագրի մաս կազմող փաստաթղթերի ցանկի եւ տրանսպորտային (փոխադրման) փաստաթղթերի երկու օրինակում (տրանսպորտային (փոխադրման) եւ առետրային փաստաթղթերը որպես տարանցման հայտարարագիր օգտագործելու դեպքում):

Տարանցման հայտարարագրի գրանցումն իրականացվում է ուղարկող մաքսային մարմնի կողմից, այդ թվում՝ տեղեկատվական համակարգերի եւ տեղեկատվական տեխնոլոգիաների օգտագործմամբ:

8. Տարանցման հայտարարագրին գրանցման համար տրամադրելու պահից այն դառնում է իրավաբանական նշանակություն ունեցող փաստերի մասին վկայող փաստաթուղթ:

9. Ուղարկող մաքսային մարմինը մերժում է տարանցման հայտարարագրի գրանցումը հետեւյալ դեպքերում՝

ա) տարանցման հայտարարագիրը ներկայացվել է տարանցման հայտարարագրերը գրանցելու իրավասություն չունեցող մաքսային մարմին.

բ) տարանցման հայտարարագիրը ներկայացվել է համապատասխան լիազորություն չունեցող անձի կողմից.

գ) տարանցման հայտարարագրում նշված չեն Մաքսային միության մաքսային օրենսգրքի 182-րդ հոդվածով նախատեսված անհրաժեշտ տեղեկությունները.

դ) տարանցման հայտարարագիրը ստորագրված չէ կամ պատշաճ կերպով հաստատված չէ կամ կազմված չէ սահմանված ձևով.

ե) հայտարարագրվող ապրանքների առնչությամբ չեն կատարվել այն գործողությունները, որոնք Մաքսային միության մաքսային օրենսգրքին համապատասխան, պետք է կատարվեին մինչև տարանցման հայտարարագիրը ներկայացնելը կամ ներկայացնելուն զուգահեռ:

10. Տարանցման հայտարարագրի գրանցումը մերժելու հիմքերի առկայության դեպքում, ուղարկող մաքսային մարմնի պաշտոնատար անձը, նախքան 6-րդ կետում նշված ժամկետը լրանալը, ձեռակերպում է տարանցման հայտարարագրի գրանցման մերժումը:

Այդ դեպքում ուղարկող մաքսային մարմնի պաշտոնատար անձն իրականացնում է հետևյալ գործողությունները՝

ա) տարանցման հայտարարագրի ընդունումը մերժելու մասին գրանցում է կատարում այն գրանցամատյանում, որի ձեւը սահմանվում է Մաքսային միության անդամ պետությունների օրենսդրությամբ.

բ) պատրաստում է տարանցման հայտարարագրի լրացված թերթիկի պատճենը կամ տրանսպորտային (փոխադրման) փաստաթղթերի պատճենները (տրանսպորտային (փոխադրման) եւ առետրային փաստաթղթերը որպես տարանցման հայտարարագիր օգտագործելու դեպքում) կամ ՄՃՓ գրքույկի թիվ 1 պոկվող թերթիկի կամ ժամանակավոր ընդունման թույլտվության «Տարանցում» («*Transit*») թերթիկի, ինչպես նաեւ տարանցման հայտարարագրին

կից ներկայացվող մյուս փաստաթղթերի պատճենները.

գ) տարանցման հայտարարագրի գրանցումը մերժելու մասին տեղեկացնում է տարանցման հայտարարագիր ներկայացրած անձին՝ նրան տարանցման հայտարարագրի ընդունման գրավոր մերժում տրամադրելու միջոցով՝ նշելով մերժման հիմքերը եւ սույն կետի (ա) ենթակետով նախատեսված գրանցամատյանի գրանցման համարը:

Գրավոր մերժումը կազմվում է կամայականորեն, ստորագրվում եւ հաստատվում է ուղարկող մաքսային մարմնի պաշտոնատար անձի համարակալված անհատական կնիքի դրոշմվածքով:

Տարանցման հայտարարագրի գրանցումը մերժելու մասին որոշում ընդունելու դեպքում, սույն կետի (բ) ենթակետում նշված փաստաթղթերի պատճենները պահվում են մաքսային մարմնի գործերում ոչ պակաս, քան մեկ տարի:

11. Հայտարարատուի գրավոր դիմումի հիման վրա՝ գրանցված տարանցման հայտարարագիրը կարող է նրա կողմից հետ կանչվել՝ նախքան մաքսային մարմնի կողմից ապրանքների բացթողման մասին որոշում ընդունելը:

Տարանցման հայտարարագիրը հետ կանչելու դեպքում, ուղարկող մաքսային մարմնի պաշտոնատար անձը՝

ա) կատարում է «Հետկանչ» գրառումն այն գրանցամատյանում, որի ձեւը սահմանվում է Մաքսային միության անդամ պետությունների օրենսդրությամբ.

բ) կատարում է «հետկանչ» գրառումը տարանցման հայտարարագրում, որը հաստատում է ստորագրությամբ եւ համարակալված անհատական կնիքի դրոշմվածքով (ՄՃՓ գրքույկի օգտագործման դեպքում, նշված գրառումը կատարվում է թիվ 1 եւ թիվ 2 պոկվող թերթիկների «Պաշտոնական օգտագործման համար» սյունակում կամ ժամանակավոր ընդունման թույլտվության «Տարանցում» թերթիկի համապատասխան սյունակում, ընդ որում՝ տվյալ պոկվող թերթիկների վրա գիծ է քաշվում).

գ) պատրաստում է տարանցման հայտարարագրի լրացված թերթիկի կամ

տրանսպորտային (փոխադրման) փաստաթղթերի պատճենները (տրանսպորտային (փոխադրման) եւ առետրային փաստաթղթերը որպէս տարանցման հայտարարագիր օգտագործելու դեպքում) կամ ՄՃՓ գրքուկի թիվ 1 պոկվող թերթիկի կամ ժամանակավոր ընդունման թույլտվության «Տարանցում» թերթիկի, ինչպէս նաեւ տարանցման հայտարարագրին կից ներկայացվող մյուս փաստաթղթերի պատճենները.

դ) տեղեկացնում է տարանցման հայտարարագիր ներկայացրած անձին դրա հետկանչի վերաբերյալ որոշում ընդունելու մասին՝ տարանցման հայտարարագիրը, ՄՃՓ գրքուկը կամ ժամանակավոր ընդունման թույլտվությունը նրան հանձնելու միջոցով:

Տարանցման հայտարարագրի հետկանչի վերաբերյալ որոշում ընդունելու դեպքում, սույն կետի (գ) ենթակետում նշված փաստաթղթերի պատճենները եւ հայտարարատուի դիմումի բնօրինակը պահվում են մաքսային մարմնի գործերում ոչ պակաս, քան մեկ տարի:

12. Ուղարկող մաքսային մարմինն ապրանքների բացթողումն իրականացնում է «մաքսային տարանցում» մաքսային ընթացակարգի համաձայն տարանցման հայտարարագրի գրանցումից եւ ուղարկող մաքսային մարմինն ապրանքները ներկայացնելուց հետո՝ անմիջապէս այն բանից հետո, երբ այդ մաքսային մարմինը համոզվում է, որ Մաքսային միության մաքսային օրենսգրքի 195-րդ հոդվածի 1-ին կետով եւ 216-րդ հոդվածով սահմանված պայմանները պահպանվել են:

«Մաքսային տարանցում» մաքսային ընթացակարգի համաձայն ապրանքների բացթողման դեպքում, ուղարկող մաքսային մարմինը մաքսային տարանցման ժամկետ է սահմանում (Մաքսային միության մաքսային օրենսգրքի 219-րդ հոդված) եւ որոշում է ապրանքների առաքման վայրը (Մաքսային միության մաքսային օրենսգրքի 220-րդ հոդված), որոնց մասին նշում է կատարում տարանցման հայտարարագրում:

Ապրանքների բացթողումը ձեւակերպվում է ուղարկող մաքսային մարմնի պաշտոնատար անձի կողմից տարանցման հայտարարագրի լրացված թերթիկների

համապատասխան սյունակները լրացնելու, տրանսպորտային (փոխադրման) փաստաթղթերի երկու օրինակի վրա նրա համարակալված անհատական կնիքի դրոշմվածքով հաստատված դրոշմակնիք դնելու եւ լրացնելու միջոցով, որի ձեւը որոշվում է Մաքսային միության անդամ պետությունների օրենսդրությամբ:

Տրանսպորտային (փոխադրման) եւ առեւտրային փաստաթղթերը որպես տարանցման հայտարարագիր օգտագործելու դեպքում, ապրանքների բացթողումը ձեւակերպվում է տրանսպորտային (փոխադրման) փաստաթղթերի երկու օրինակի վրա համապատասխան դրոշմակնիք դնելու եւ լրացնելու միջոցով, որը հաստատվում է ուղարկող մաքսային մարմնի պաշտոնատար անձի՝ համարակալված անհատական կնիքի դրոշմվածքով:

ՄՃՓ գրքույկի օգտագործմամբ ապրանքների փոխադրման դեպքում, ապրանքների բացթողումը ձեւակերպվում է ՄՃՓ գրքույկի պոկվող թերթիկների համապատասխան սյունակները եւ կոնակները լրացնելու միջոցով՝ ՄՃՓ կոնվենցիայի դրույթներին համապատասխան, եւ տրանսպորտային (փոխադրման) փաստաթղթերի երկու օրինակի վրա ուղղորդող դրոշմակնիք դնելու եւ լրացնելու միջոցով, որը հաստատվում է ուղարկող մաքսային մարմնի պաշտոնատար անձի՝ համարակալված անհատական կնիքի դրոշմվածքով:

Ժամանակավոր ընդունման թույլտվության օգտագործմամբ ապրանքների փոխադրման դեպքում, ապրանքների բացթողումը ձեւակերպվում է «Տարանցում» թերթիկի համապատասխան սյունակը ժամանակավոր ներմուծման մասին կոնվենցիաներին համապատասխան լրացնելու միջոցով եւ հայտարարատուի համար նախատեսված տրանսպորտային (փոխադրման) փաստաթղթերի երկու օրինակի վրա ուղղորդող դրոշմակնիք դնելու եւ լրացնելու միջոցով, որը հաստատվում է ուղարկող մաքսային մարմնի պաշտոնատար անձի՝ համարակալված անհատական կնիքի դրոշմվածքով:

Մաքսային տարանցման ժամկետի եւ առաքման վայրի վերաբերյալ տեղեկությունները նշվում են նաեւ ուղարկող մաքսային մարմնի տեղեկատվական համակարգում՝ տեղեկատվական տեխնոլոգիաների օգտագործմամբ:

Ապրանքները «մաքսային տարանցում» մաքսային ընթացակարգին համապատասխան բաց թողնելու դեպքում, ուղարկող մաքսային մարմնի պաշտոնատար անձը լրացնում է այն գրանցամատյանի համապատասխան սյունակները, որի ձեւը սահմանվում է Մաքսային միության անդամ պետությունների օրենսդրությամբ:

Ուղարկող մաքսային մարմնի կողմից ապրանքների բացթողումն իրականացվում է Մաքսային միության մաքսային օրենսգրքի 196-րդ հոդվածում նշված ժամկետները չգերազանցող ժամկետում:

13. Ապրանքները «մաքսային տարանցում» մաքսային ընթացակարգին համապատասխան բաց թողնելու դեպքում, տարանցման հայտարարագրի մեկ ձեւակերպված թերթիկ, ապրանքների բացթողման վերաբերյալ նշումներ պարունակող տրանսպորտային (փոխադրման) փաստաթղթի մեկ օրինակ եւ տարանցման հայտարարագրի մաս կազմող եւ ուղարկող մաքսային մարմնի կողմից նույնականացված այլ փաստաթղթերի մեկ փաթեթ վերադարձվում են փոխադրողին՝ նշանակման մաքսային մարմին ներկայացնելու համար:

Տրանսպորտային (փոխադրման) եւ առեւտրային փաստաթղթերը որպես տարանցման հայտարարագիր օգտագործելու դեպքում, ապրանքների բացթողման վերաբերյալ նշումներ պարունակող տրանսպորտային (փոխադրման) փաստաթղթի մեկ օրինակ եւ տարանցման հայտարարագրի մաս կազմող ու ուղարկող մաքսային մարմնի կողմից նույնականացված այլ փաստաթղթերի մեկ փաթեթ վերադարձվում են փոխադրողին:

ՄՃՓ գրքույկի օգտագործմամբ ապրանքների փոխադրման դեպքում, ՄՃՓ կոնվենցիայի դրույթներին համապատասխան ձեւակերպված ՄՃՓ գրքույկը, ապրանքների բացթողման վերաբերյալ նշում պարունակող տրանսպորտային (փոխադրման) փաստաթղթի մեկ օրինակ ու տարանցման հայտարարագրի մաս կազմող եւ ուղարկող մաքսային մարմնի կողմից նույնականացված այլ փաստաթղթերի մեկ փաթեթ վերադարձվում են փոխադրողին:

Ժամանակավոր ընդունման թույլտվության օգտագործմամբ ապրանքների

փոխադրման դեպքում, ժամանակավոր ներմուծման մասին կոնվենցիաներին համապատասխան ձեւակերպված ժամանակավոր ընդունման թույլտվությունը, ապրանքների բացթողման վերաբերյալ նշում պարունակող տրանսպորտային (փոխադրման) փաստաթղթի մեկ օրինակ ու տարանցման հայտարարագրի մաս կազմող եւ ուղարկող մաքսային մարմնի կողմից նույնականացված այլ փաստաթղթերի մեկ փաթեթ վերադարձվում են փոխադրողին:

14. Ուղարկող մաքսային մարմնում թողնվում են տարանցման հայտարարագրի մեկ թերթիկ, ապրանքների բացթողման վերաբերյալ նշումներ պարունակող տրանսպորտային (փոխադրման) փաստաթղթի մեկ օրինակ եւ տարանցման հայտարարագրի մաս կազմող այլ փաստաթղթերի մեկ փաթեթ:

Տրանսպորտային (փոխադրման) եւ առեւտրային փաստաթղթերը որպես տարանցման հայտարարագիր օգտագործելու դեպքում, մաքսային մարմնում թողնվում են ապրանքների բացթողման վերաբերյալ նշումներ պարունակող տրանսպորտային (փոխադրման) փաստաթղթի մեկ օրինակ եւ տարանցման հայտարարագրի մաս կազմող եւ ուղարկող մաքսային մարմնի կողմից նույնականացված այլ փաստաթղթերի մեկ փաթեթ, ինչպես նաեւ այն փաստաթղթերի ցանկը, որոնցից բաղկացած է տարանցման հայտարարագիրը, եթե դրա առկայությունը նախատեսվում է սույն Կարգով:

ՄՃՓ գրքույկի օգտագործմամբ ապրանքների փոխադրման դեպքում, ուղարկող մաքսային մարմնում թողնվում են ՄՃՓ կոնվենցիայի դրույթներին համապատասխան ձեւակերպված ՄՃՓ գրքույկի թիվ 1 պոկվող թերթիկը, ապրանքների բացթողման վերաբերյալ նշումներ պարունակող տրանսպորտային (փոխադրման) փաստաթուղթն ու տարանցման հայտարարագրի մաս կազմող եւ ուղարկող մաքսային մարմնի կողմից նույնականացված այլ փաստաթղթերի մեկ փաթեթ:

Ժամանակավոր ընդունման թույլտվության օգտագործմամբ ապրանքների փոխադրման դեպքում, ուղարկող մաքսային մարմնում թողնվում են ժամանակավոր ներմուծման մասին կոնվենցիաներին համապատասխան ձեւակերպված «Տարանցում» թերթիկը, ապրանքների բացթողման վերաբերյալ նշումներ

պարունակող տրանսպորտային (փոխադրման) փաստաթուղթն ու տարանցման հայտարարագրի մաս կազմող եւ ուղարկող մաքսային մարմնի կողմից նույնականացված այլ փաստաթղթերի մեկ փաթեթ:

15. Ուղարկող մաքսային մարմինը մերժում է ապրանքների՝ «մաքսային տարանցում» մաքսային ընթացակարգին համապատասխան բացթողումը Մաքսային միության մաքսային օրենսգրքի 201-րդ հոդվածով նախատեսված դեպքերում, ինչպես նաեւ Մաքսային միության մաքսային օրենսգրքի 195-րդ հոդվածի 1-ին կետով եւ 216-րդ հոդվածով սահմանված պայմանները չկատարելու դեպքում:

Այդ դեպքում ուղարկող մաքսային մարմնի պաշտոնատար անձն իրականացնում է հետեւյալ գործողությունները՝

ա) կատարում է «Ապրանքների բացթողման մերժում» գրառումը ուղարկող մաքսային մարմնի տարանցման հայտարարագրերի գրանցամատյանում, ինչպես նաեւ նշում է ապրանքների բացթողումը մերժելու մասին որոշման ընդունման ամսաթիվն ու ժամը.

բ) կատարում է «Ապրանքների բացթողումը մերժված է _____ պատճառով» գրառումը տարանցման հայտարարագրում, որը հաստատում է ստորագրությամբ եւ համարակալված անհատական կնիքի դրոշմվածքով (ՄՃՓ գրքույկի օգտագործման դեպքում, նշված գրառումը կատարվում է ՄՃՓ գրքույկի թիվ 1 եւ թիվ 2 պոկվող թերթիկների «Պաշտոնական օգտագործման համար» սյունակում, ընդ որում՝ տվյալ պոկվող թերթիկների վրա գիծ է քաշվում).

գ) պատրաստում է տարանցման հայտարարագրի լրացված թերթիկի պատճենը կամ տրանսպորտային (փոխադրման) փաստաթղթերի պատճենները (տրանսպորտային (փոխադրման), առեւտրային փաստաթղթերը որպես տարանցման հայտարարագիր օգտագործելու դեպքում) կամ ՄՃՓ գրքույկի թիվ 1 պոկվող թերթիկի կամ ժամանակավոր ընդունման թույլտվության «Տարանցում» թերթիկի, ինչպես նաեւ տարանցման հայտարարագրին կից ներկայացվող մյուս փաստաթղթերի պատճենները.

դ) տեղեկացնում է տարանցման հայտարարագիր ներկայացրած անձին ապրանքների բացթողումը մերժելու վերաբերյալ որոշում ընդունելու մասին՝ նրան տարանցման հայտարարագիրը, ՄՃՓ գրքույկը կամ ժամանակավոր ընդունման թույլտվությունը հանձնելու միջոցով:

Ապրանքների բացթողումը մերժելու վերաբերյալ որոշում ընդունելու դեպքում, սույն կետի (գ) ենթակետում նշված փաստաթղթերի պատճենները պահվում են մաքսային մարմնի գործերում ոչ պակաս, քան մեկ տարի:

III. Մաքսային մարմինների կողմից «մաքսային տարանցում» մաքսային ընթացակարգի իրականացման կարգը

16. «Մաքսային տարանցում» մաքսային ընթացակարգի իրականացման ձեւակերպումը առանձին մաքսային գործառնություն է, որն իրականացնում են նշանակման մաքսային մարմնի լիազորված պաշտոնատար անձինք:

17. «Մաքսային տարանցում» մաքսային ընթացակարգի իրականացման նպատակով փոխադրողը, Մաքսային միության մաքսային օրենսգրքի 225-րդ հոդվածի համաձայն, նշանակման մաքսային մարմին է ներկայացնում տարանցման հայտարարագրի մեկ թերթիկ, ապրանքների բացթողման վերաբերյալ նշումներ պարունակող տրանսպորտային (փոխադրման) փաստաթղթերի մեկ փաթեթ եւ տարանցման հայտարարագրի մաս կազմող եւ ուղարկող մաքսային մարմնի կողմից նույնականացված այլ փաստաթղթերի մեկ փաթեթ:

Տրանսպորտային (փոխադրման) փաստաթղթերը եւ առեւտրային փաստաթղթերը որպես տարանցման հայտարարագիր օգտագործելու դեպքում, նշանակման մաքսային մարմին ներկայացվում են ապրանքների բացթողման վերաբերյալ նշումներ պարունակող տրանսպորտային (փոխադրման) փաստաթղթի մեկ օրինակ եւ տարանցման հայտարարագրի մաս կազմող եւ ուղարկող մաքսային մարմնի կողմից նույնականացված այլ փաստաթղթերի մեկ փաթեթ, ինչպես նաեւ՝ այն փաստաթղթերի ցանկը, որոնցից բաղկացած է տարանցման հայտարարագիրը, եթե դրա առկայությունը նախատեսվում է սույն Կարգով:

ՄՃՓ գրքույկի օգտագործմամբ ապրանքների փոխադրման դեպքում, նշանակման մաքսային մարմին ներկայացվում են ՄՃՓ գրքույկը եւ ապրանքների բացթողման վերաբերյալ նշումներ պարունակող տրանսպորտային (փոխադրման) փաստաթղթերի մեկ փաթեթ ու տարանցման հայտարարագրի մաս կազմող եւ ուղարկող մաքսային մարմնի կողմից նույնականացված այլ փաստաթղթերի մեկ փաթեթ:

Ժամանակավոր ընդունման թույլտվության օգտագործմամբ ապրանքների փոխադրման դեպքում, նշանակման մաքսային մարմին ներկայացվում են ժամանակավոր ընդունման թույլտվությունը եւ ապրանքների բացթողման վերաբերյալ նշումներ պարունակող տրանսպորտային (փոխադրման) փաստաթղթերի մեկ փաթեթ ու տարանցման հայտարարագրի մաս կազմող եւ ուղարկող մաքսային մարմնի կողմից նույնականացված այլ փաստաթղթերի մեկ փաթեթ:

18. Փոխադրողի կողմից սույն Կարգի 17-րդ կետում նշված փաստաթղթերը նշանակման մաքսային մարմին ներկայացնելուց հետո նշանակման մաքսային մարմնի պաշտոնատար անձը դրանք ներկայացնելու վերաբերյալ կատարում է համապատասխան գրանցում՝ Մաքսային միության անդամ պետությունների օրենսդրության համաձայն:

19. Եթե փաստաթղթերի ստուգման եւ ապրանքների նույնականացման ժամանակ մաքսային մարմնի կողմից մաքսային օրենսդրության խախտումներ չեն հայտնաբերվել, ապա նշանակման մաքսային մարմինը ձեակերպում է «մաքսային տարանցում» մաքսային ընթացակարգի իրականացումը հնարավորինս սեղմ ժամկետում, սակայն ոչ ուշ, քան տարանցման հայտարարագիրը ներկայացնելու վերաբերյալ գրանցում կատարելու պահից 24 ժամվա ընթացքում:

20. Նշանակման մաքսային մարմնի պաշտոնատար անձը «մաքսային տարանցում» մաքսային ընթացակարգի իրականացման մասին կատարում է համապատասխան գրանցում՝ նշանակման մաքսային մարմնում տարանցման հայտարարագրերով ապրանքների ստացման վերաբերյալ հաշվառման մատյանում, որի ձեւը սահմանվում է Մաքսային միության անդամ պետությունների

օրենսդրությամբ:

«Մաքսային տարանցում» մաքսային ընթացակարգի իրականացման մասին գրանցումը կատարվում է նշանակման մաքսային մարմնի կողմից, այդ թվում՝ տեղեկատվական համակարգերի եւ տեղեկատվական տեխնոլոգիաների օգտագործմամբ:

Յուրաքանչյուր հաջորդ տարվա հունվարի 1-ից նշված գրանցամատյանում համարակալումը մեկից է սկսվում:

21. Նշանակման մաքսային մարմնի պաշտոնատար անձը տարանցման հայտարարագրի եւ ապրանքների բացթողման վերաբերյալ նշումներ պարունակող տրանսպորտային (փոխադրման) փաստաթղթերի համապատասխան սյունակում դնում է ապրանքների ստացման վերաբերյալ համապատասխան դրոշմակնիք, որը նրա կողմից լրացվում եւ վավերացվում է համարակալված անհատական կնիքի դրոշմվածքով:

Տրանսպորտային (փոխադրման) փաստաթղթերը եւ առետրային փաստաթղթերը որպես տարանցման հայտարարագիր օգտագործելու դեպքում, վերոհիշյալ նշումները կատարվում են ապրանքների բացթողման վերաբերյալ նշումներ պարունակող տրանսպորտային (փոխադրման) փաստաթղթի մեկ օրինակի վրա, ինչպես նաեւ այն փաստաթղթերի ցանկի վրա, որոնցից բաղկացած է տարանցման հայտարարագիրը, եթե դրա առկայությունը նախատեսվում է սույն Կարգով:

ՄՃՓ գրքույկի օգտագործմամբ ապրանքների փոխադրման դեպքում, մաքսային տարանցման գործընթացի իրականացումը ձեւակերպվում է ՄՃՓ կոնվենցիային համապատասխան: Ընդ որում, նշանակման մաքսային մարմնի պաշտոնատար անձը ապրանքների բացթողման վերաբերյալ նշումներ պարունակող տրանսպորտային (փոխադրման) փաստաթղթի մեկ օրինակի վրա դնում է ապրանքների ստացման վերաբերյալ համապատասխան դրոշմակնիք, որը նրա կողմից լրացվում եւ վավերացվում է համարակալված անհատական կնիքի դրոշմվածքով:

Ժամանակավոր ընդունման թույլտվության օգտագործմամբ ապրանքների փոխադրման դեպքում, մաքսային տարանցման գործընթացի իրականացումը ձեակերպվում է ժամանակավոր ներմուծման մասին կոնվենցիաներին համապատասխան: Ընդ որում, նշանակման մաքսային մարմնի պաշտոնատար անձը ապրանքների բացթողման վերաբերյալ նշումներ պարունակող տրանսպորտային (փոխադրման) փաստաթղթի մեկ օրինակի վրա դնում է ապրանքների ստացման վերաբերյալ համապատասխան դրոշմակնիք, որը նրա կողմից լրացվում եւ վավերացվում է համարակալված անհատական կնիքի դրոշմվածքով:

22. Նշանակման մաքսային մարմնում թողնվում է տարանցման հայտարարագրի մեկ թերթիկ, ապրանքների ստացման վերաբերյալ նշումներ պարունակող տրանսպորտային (փոխադրման) փաստաթղթի մեկ օրինակ եւ տարանցման հայտարարագրի մաս կազմող այլ փաստաթղթերի մեկ փաթեթ:

Տրանսպորտային (փոխադրման) փաստաթղթերը եւ առեւտրային փաստաթղթերը որպես տարանցման հայտարարագիր օգտագործելու դեպքում, նշանակման մաքսային մարմնում թողնվում են ապրանքների ստացման վերաբերյալ նշումներ պարունակող տրանսպորտային (փոխադրման) փաստաթղթի մեկ օրինակ եւ տարանցման հայտարարագրի մաս կազմող այլ փաստաթղթերի մեկ փաթեթ, ինչպես նաեւ այն փաստաթղթերի ցանկի մեկ օրինակ, որոնցից բաղկացած է տարանցման հայտարարագիրը, եթե դրա առկայությունը նախատեսվում է սույն Կարգով:

ՄՃՓ գրքույկի օգտագործմամբ ապրանքների փոխադրման դեպքում, նշանակման մաքսային մարմնում թողնվում են ՄՃՓ կոնվենցիայի դրույթներին համապատասխան ձեակերպված ՄՃՓ գրքույկի թիվ 2 պոկվող թերթիկը, ապրանքների ստացման վերաբերյալ նշումներ պարունակող տրանսպորտային (փոխադրման) փաստաթուղթը եւ տարանցման հայտարարագրի մաս կազմող այլ փաստաթղթերի մեկ փաթեթ:

Ժամանակավոր ընդունման թույլտվության օգտագործմամբ ապրանքների փոխադրման դեպքում, նշանակման մաքսային մարմնում թողնվում են

Ժամանակավոր ներմուծման մասին կոնվենցիաներին համապատասխան ձեւակերպված՝ Ժամանակավոր ընդունման թույլտվության «Տարանցում» պոկվող թերթիկը, ապրանքների ստացման վերաբերյալ նշումներ պարունակող տրանսպորտային (փոխադրման) փաստաթուղթը եւ տարանցման հայտարարագրի մաս կազմող այլ փաստաթղթերի մեկ փաթեթ:

ՄՃՓ գրքույկի օգտագործմամբ ապրանքների փոխադրման դեպքում, փոխադրողին վերադարձվում է ՄՃՓ կոնվենցիայի դրույթներին համապատասխան ձեւակերպված ՄՃՓ գրքույկը:

Ժամանակավոր ընդունման թույլտվության օգտագործմամբ ապրանքների փոխադրման դեպքում, փոխադրողին վերադարձվում է Ժամանակավոր ներմուծման մասին կոնվենցիաներին համապատասխան ձեւակերպված Ժամանակավոր ընդունման թույլտվությունը:

IV. Եզրափակիչ դրույթներ

23. «Մաքսային տարանցում» մաքսային ընթացակարգով ապրանքների փոխադրման Ժամանակ փոխադրողի կողմից իր պարտավորությունների պատշաճ կատարումը հաստատելու նպատակով՝

- ուղարկող մաքսային մարմնի պաշտոնատար անձը սույն Կարգի 7-րդ եւ 12-րդ կետերով նախատեսված լրացուցիչ նշումներ է կատարում տրանսպորտային (փոխադրման) փաստաթղթի երրորդ օրինակի վրա,

- նշանակման մաքսային մարմնի պաշտոնատար անձը սույն Կարգի 21-րդ կետով նախատեսված լրացուցիչ նշումներ է կատարում ուղարկող մաքսային մարմնի նշումները պարունակող տրանսպորտային (փոխադրման) փաստաթղթի վրա:

Սույն կետով նախատեսված նշումները կատարելուց հետո մաքսային մարմնի պաշտոնատար անձը փոխադրողին վերադարձնում է տրանսպորտային (փոխադրման) փաստաթղթի երրորդ օրինակը:

24. Սույն Կարգում նշված գրանցամատյանները կարելի է վարել էլեկտրոնային տարբերակով՝ Մաքսային միության անդամ պետությունների օրենսդրությամբ սահմանված կարգով:

25. Սույն Կարգի դրույթները՝ «Ժամանակավոր ներմուծման համար ժամանակավոր ընդունման թույլտվության մասին» 1961 թվականի մաքսային կոնվենցիայի եւ «Ժամանակավոր ներմուծման մասին» 1990 թվականի կոնվենցիայի կիրառման առումով, Մաքսային միության անդամ պետությունների կողմից կիրառվում են նշված կոնվենցիաների կիրարկման առնչությամբ նրանց ստանձնած պարտավորություններին համապատասխան:

26. Միջազգային փոստային առաքանիների եւ անձնական օգտագործման ապրանքների տեղափոխման ժամանակ տարանցման հայտարարագրի ներկայացման եւ գրանցման ու «մաքսային տարանցում» մաքսային ընթացակարգի առնչությամբ մաքսային մարմինների կողմից մաքսային գործառնությունների իրականացման առանձնահատկությունները կարող են սահմանվել Մաքսային միության հանձնաժողովի առանձին որոշումներով:

(փոխադրողի
անվանումը)

(փոխադրողի
ներկայացուցչի անվան
սկզբնատառերը եւ
ազգանունը)

(ստորագրությունը)

(ամսաթիվը)

**Մաքսային միության մաքսային օրենսգրքի 227-րդ, 228-րդ հոդվածներով
սահմանված պարտավորությունների մասին տեղեկացված եմ:**

(հայտարարատուի անվանումը
եւ հասցեն)

(տարանցման հայտարարագիրը
ներկայացնող հայտարարատուի
ներկայացուցչի անվան
սկզբնատառերը եւ ազգանունը)

(ստորագրությունը)

(ցուցակը
ներկայացնելու
ամսաթիվը)

(մաքսային մարմնի
պաշտոնատար անձի անվան
սկզբնատառերը եւ ազգանունը)

(ստորագրությունը,
ՀԱԿ)

(ապրանքների
բացթողման
ամսաթիվը)